


ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ  
ՆԱԽԱՐԱՐՈՒԹՅԱՆ

«ԿՈՏԱՅՔԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՋ» ՊՈԱԿ

Հաստատում եմ՝  Ա. Երեմյան

Կոտայքի տարածաշրջանային պետական քոլեջի

կառավարման խորհրդի նախագահ

« 4 »  2025 թվական

**ՔԱՂԱՔԱԿԱՆՈՒԹՅՈՒՆ**  
**ԱՐՏԱՔԻՆ ԿԱՊԵՐԻ ԵՎ ՄԻՋԱԶԳԱՅՆԱՅՄԱՆ**

Հրազդան 2025

## **1. Բաղաքականության նպատակը**

ԿՏՊԲ միջազգայնացման և արտաքին կապերի քաղաքականության նպատակն է խթանել կրթության որակի բարձրացումը, միջազգային, նորարար մոտեցումների կիրառումը, ինչպես նաև միջազգային գործընկերային կապերի ամրապնդումը՝ նպաստելով քոլեջի մրցունակության բարձրացմանը: Սույն քաղաքականությունը մշակվել է՝ հաշվի առնելով կրթական հաստատությունների միջազգայնացման կարևորությունը և քոլեջի զարգացման ռազմավարական ուղղությունները: Այն ուղղված է քոլեջի՝ գլոբալ կրթական տարածքում տեսանելիության բարձրացմանը, նոր համագործակցային հնարավորությունների ստեղծմանը և միջազգային չափանիշներին համապատասխան կրթական ծրագրերի իրականացմանը:

## **2. Հիմնական խնդիրները**

Սույն քաղաքականության իրականացումը կոչված է լուծելու հետևյալ հիմնախնդիրները՝

### **✓ Միջազգային և արտաքին կապերի զարգացում**

Քոլեջի միջազգային համագործակցությունների ընդլայնում՝ խթանելով ուսանողների և դասախոսների փորձի փոխանակման հնարավորությունները:

### **✓ Միջազգային, նորարար մոտեցումների դիտարկում և կիրառում**

Փորձված, միջազգային արդյունավետ մոտեցումների, հնարավորությունների դիտարկում և ինտեգրում, որոնք ուղղված կլինեն հաստատության տարբեր ուղղությունների բարելավմանը:

### **✓ Օտար լեզուների և միջմշակութային հաղորդակցության զարգացում**

Օտարալեզու և բազմամշակութային հմտությունների խրախուսում և զարգացում:

### **✓ Գործընկերային հարաբերությունների զարգացում քոլեջների և համալսարանների հետ**

Գործընկերային ցանցի ընդլայնում՝ նոր կրթական ու հետազոտական հնարավորություններ ստեղծելու նպատակով:

### **✓ Քոլեջի միջազգային ճանաչելիության ստեղծում և ամրապնդում**

Թվային հարթակում միջազգային կրթական հաստատությունների, կազմակերպությունների և միջազգային կրթական կառույցների շրջանում քոլեջի տեսանելիության բարձրացում: Քաղաքականությունը կոչված է ապահովելու քոլեջի միջազգային համագործակցության ամրապնդումը, ուսանողների և դասախոսների համար գլոբալ կրթական հնարավորությունների ընդլայնումը և ուսումնական գործընթացների համապատասխանեցումը միջազգային չափանիշներին:

### **3. Տեսլականը և առաքելությունը**

#### **3.1. Տեսլականը**

ԿՏՊԲ-ի միջազգայնացման տեսլականն է՝ դառնալ տարածաշրջանում ճանաչված և մրցունակ կրթական հաստատություն, որը խթանում է միջազգային համագործակցությունը, ապահովում է ուսանողների և դասախոսների մասնագիտական զարգացումը և ձգտում է միջազգային չափանիշներին համապատասխան կրթական ծրագրերի իրականացում և բենչմարքինգ:

Քոլեջը նպատակ ունի ստեղծել կրթական միջավայր, որտեղ ուսանողները ձեռք կբերեն արդի գիտելիքներ, միջմշակութային հաղորդակցության հմտություններ և միջազգային աշխատաշուկային համապատասխան կարողություններ:

#### **3.2. Առաքելությունը**

Քոլեջի միջազգայնացման քաղաքականության առաքելությունն է ամրապնդել կրթական տարբեր ոլորտներում համագործակցությունը միջազգային մակարդակում, խթանել արտաքին կապերի զարգացումը և ապահովել կրթական միջազգային հնարավորությունները, որոնք համահունչ տարրեր կպարունակեն միջազգային ակադեմիական չափանիշներին համապատասխան:

### **4. Հիմնական սկզբունքները**

- Միջազգային համագործակցության ինստիտուցիոնալ մոտեցում

Քոլեջը պարտավորվում է մշակել և իրականացնել միջազգային համագործակցության ռազմավարական մոտեցումներ, որոնք համապատասխանում են հաստատության զարգացման առաջնահերթություններին:

➤ **Միջազգային կրթական չափանիշներին համապատասխանություն**

Կրթական ծրագրերն ու համագործակցությունները պարունակում են համապատասխանության տարրեր ընդունելի միջազգային կրթական չափանիշների և լավագույն ակադեմիական պրակտիկաների հետ:

➤ **Հավասար հնարավորություններ և ներառականություն**

Քոլեջի միջազգային համագործակցության քաղաքականությունը ապահովում է ուսանողների և դասախոսական կազմի հավասար ներգրավվածություն:

➤ **Թափանցիկություն և հաշվետվողականություն**

Միջազգայնացման և արտաքին կապերի բոլոր գործընթացները իրականացվում են թափանցիկության սկզբունքի հիման վրա՝ խթանելով արդյունավետ մշտադիտարկումը և գնահատումը:

➤ **Գիտելիքի և փորձի փոխանակում**

Քոլեջը խթանում է միջազգային կրթական և հետազոտական համագործակցությունները՝ նպաստելով նորարարական գաղափարների և լավագույն փորձի փոխանակմանը:

➤ **Միջմշակութային հաղորդակցության զարգացում**

Քոլեջի միջազգայնացման գործընթացները նպաստում են բազմալեզու և միջմշակութային հաղորդակցման կարողությունների զարգացմանը՝ ներառելով շահառուների համապատասխան և տարբեր թիրախներ:

➤ **Միջազգային ցանցի ընդլայնում և ամրապնդում**

Քոլեջը նպատակ ունի ստեղծել և զարգացնել միջազգային գործընկերային հարաբերություններ՝ ներգրավելով առցանց ռեսուրսներ և հնարավորություններ:

#### ➤ **Կայուն և երկարաժամկետ զարգացում**

Քոլեջի միջազգայնացման քաղաքականությունը հիմնված է երկարաժամկետ և կայուն զարգացման սկզբունքների վրա՝ ապահովելով միջազգային գործընկերությունների շարունակականության ապահովումը և արդյունավետությունը:

### **5. Հիմնական արժեքները**

#### ▪ **Գերազանցություն**

Քոլեջը ձգտում է որակյալ կրթության ապահովմանը, գործընկերային կապերի հաստատմանը՝ շարունակաբար զարգացնելով ակադեմիական և կառավարչական համակարգերը:

#### ▪ **Հանդուրժողականություն և հարգանք**

Միջազգային համագործակցություններում և կրթական միջավայրում քոլեջը խթանում է մշակութային տարբեր արժեքների միջև փոխադարձ հարգանքը, բազմազանության ընդունումը և հանդուրժողականությունը:

#### ▪ **Նորարարություն և զարգացում**

Քոլեջը խրախուսում է նորարարական գաղափարների, մեթոդների և տեխնոլոգիաների կիրառումը՝ միջազգային չափանիշներին համապատասխան կրթական գործընթացներ ապահովելու նպատակով:

#### ▪ **Գլոբալ մտածողություն**

Քոլեջը կարևորում է ուսանողների և դասախոսների գլոբալ մտածողությունը՝ խրախուսելով բաց լինել տարբեր մշակույթների և կրթական համակարգերի նկատմամբ:

- **Կայունություն և սոցիալական պատասխանատվություն**

Քոլեջը միջազգային գործունեության համատեքստում հավատարիմ է կայուն զարգացման նպատակներին և սոցիալական պատասխանատվության սկզբունքներին՝ ապահովելով ներդրում կրթության, գիտության և հասարակության զարգացման գործում:

- **Կառուցողական համագործակցություն**

Քոլեջը կարևորում է գործընկերային միջավայրը, որտեղ միջազգային կապերը նպաստում են փոխշահավետ կրթական և հետազոտական նախաձեռնությունների իրագործմանը:

- **Կենսունակ կրթական միջավայր**

Միջազգային համագործակցությունների շնորհիվ քոլեջը ձգտում է ստեղծել միջավայր, որտեղ ուսանողները և դասախոսները կարող են անընդհատ սովորել, զարգանալ և ձեռք բերել մրցունակ հմտություններ:

- **Մշակութային փոխընկալում**

Քոլեջը խրախուսում է մշակութային փոխըմբռնումը և բազմազանության ապահովումը՝ խրախուսելով միջմշակութային հաղորդակցման զարգացումը:

## **6. Արտաքին կապերի և միջազգայնացման ոլորտները, ուղղությունները**

- ❖ **Մարդկային ռեսուրսների զարգացում**

- Դասախոսների և վարչական անձնակազմի մասնագիտական զարգացման ծրագրերի իրականացում միջազգային գործընկերների հետ:
- Միջազգային վերապատրաստման ծրագրերին ներգրավվածության խթանում:
- Միջազգային կոնֆերանսներին, ֆորումներին և, կրթական միջոցառումներին մասնակցության խթանում:
- Դասախոսների միջմշակութային հաղորդակցման և օտար լեզվի հմտությունների զարգացում:

#### ❖ Միջազգային համագործակցություններ և արտաքին կապեր

- Գործընկերային կապերի հաստատում այլ քոլեջների, համալսարանների և ուսումնական կենտրոնների հետ:
- Համագործակցություն միջազգային կրթական կազմակերպությունների և ասոցիացիաների հետ :
- Հրավիրված դասախոսների և փորձագետների ներգրավում կրթական գործընթացներում:
- Համատեղ նախագծերի և ուսումնական փոխանակման ծրագրերի իրականացում:
- Պաշտոնական կայքէջի վերազինում՝ հաշվի առնելով արտաքին շահակիցների կարիքները:

#### ❖ Միջազգային տեսանելիության բարձրացում

- Քոլեջի միջազգային տեսանելիության զարգացում և բարելավում՝ թվային և սոցիալական մեդիա հարթակներում (Linkedin):

#### ❖ Մշակութային և փոխանակման ծրագրեր

- Միջմշակութային հաղորդակցման և համատեղ միջոցառումների կազմակերպում:
- Միջազգային փոխանակման և պրակտիկայի ծրագրերի հնարավորությունների ներկայացում ուսանողներին:
- Ուսանողների մասնակցության ապահովում միջազգային մրցույթներին և գիտաժողովներին:
- Ուսանողների ներգրավում միջազգային համաժողովներին, ակումբներին և միջազգային երիտասարդական ծրագրերին:
- Հրավիրյալ դասախոսների կողմից կրթական խորհրդատվության և բաց քննարկումների կազմակերպում՝ նաև միջազգային մասնագետների մասնակցությամբ:

#### ❖ Կրթական ծրագրերի միջազգայնացում՝ իրականացնելով բենչմարքինգ

- Միջազգային չափանիշներին համապատասխան կրթական ծրագրերի բարելավում՝ բենչմարքինգի հիման վրա:
- Համատեղ ուսումնական ծրագրերի ստեղծում միջազգային գործընկերների հետ:
- Միջազգային կրթական հարթակների (Coursera, Udemy) ինտեգրում ուսումնական գործընթացում:

Կոտայքի տարածաշրջանային պետական քոլեջի տնօրենի ժամանակավոր  
պաշտոնակատար՝  Ք. Հակոբյան

